



IZVJEŠTAJ O RADU
SAVJETA ZA RODNU RAVNOPRAVNOST
OKTOBAR 2023. – SEPTEMBAR 2025.

Sarajevo, septembar 2025. godine



SADRŽAJ

I. UVOD.....	4
II. RAD SAVJETA.....	5
III. REALIZACIJA SJEDNICA SAVJETA.....	6
IV. REZIME	POGREŠKA! KNJIŽNA OZNAKA NIJE DEFINIRANA.

I. UVOD

Savjet za rodnu ravnopravnost Univerziteta u Sarajevu (u daljem tekstu: Savjet) je stručno i savjetodavno tijelo Senata Univerziteta u Sarajevu (u daljem tekstu: Univerzitet).

Savjet ima devet članova/ica, od kojih je jedan/na predstavnik/ica Rektorata, šest predstavnika/ica vijeća grupacija nauka i umjetnosti koje predlažu vijeća grupacija nauka i umjetnosti i dva predstavnika/ice Centra za ljudska prava.

Odlukom Senata Univerziteta broj: 01-16-12/23 od 11. 10. 2023. godine, sa pratećim izmjenama i dopunama, imenovani/e su članice i članovi Savjeta.

Aktuelni sastav Savjeta:

1. Prof. dr. Amila Ždralović, Univerzitet u Sarajevu – Pravni fakultet, predstavnica Vijeća Grupacije društvenih nauka, predsjednica
2. Dr. sci. Gaj Trifković, predstavnik Centra za ljudska prava Univerziteta u Sarajevu, zamjenik predsjednice, član
3. Prof. dr. Jasna Kovačević, predstavnica Rektorata Univerziteta u Sarajevu, članica
4. Prof. dr. Ajla Demiragić, Univerzitet u Sarajevu – Filozofski fakultet, predstavnica Vijeća Grupacije humanističkih nauka, članica
5. Prof. dr. Dženita Hadžijunuzović-Alagić, Univerzitet u Sarajevu – Veterinarski fakultet, predstavnica Vijeća Grupacije medicinskih nauka, članica
6. Dr. sci. Maida Hadžić Omanović, Univerzitet u Sarajevu – Institut za genetičko inženjerstvo i biotehnologiju, predstavnica Vijeća Grupacije prirodno-matematičkih i biotehničkih nauka, članica
7. Prof. dr. Belma Memić, Univerzitet u Sarajevu – Fakultet za saobraćaj i komunikacije, predstavnica Vijeća Grupacije tehničkih nauka, članica
8. Van. prof. Džana Pinjo Haračić, Univerzitet u Sarajevu – Akademija scenskih umjetnosti, predstavnica Vijeća Grupacije umjetnosti, članica i
9. Prof. dr. Zilka Spahić-Šiljak, predstavnica Centra za ljudska prava Univerziteta u Sarajevu, članica.

Sekretarka Savjeta: Alma Voloder-Madacki, dipl.iur, viša stručna saradnica za pravne poslove Univerziteta u Sarajevu.

U okviru svojih nadležnosti Savjet ima savjetodavnu funkciju u pogledu kreiranja i implementacije politika i strategija koje se odnose na rodnu ravnopravnost. Osim toga, Savjet se bavi koordinacijom i organizacijom različitih edukativnih aktivnosti, koji imaju za cilj podizanje svijesti o značaju rodne ravnopravnosti, te prevenciju rodno zasnovane diskriminacije i nasilja.

Nadležnosti Savjeta:

- *Savjetuje rektora i univerzitetsku zajednicu o pitanjima vezanim za rodnu ravnopravnost na Univerzitetu,*
- *Održava kontakte sa usporedivim tijelima drugih univerziteta i relevantnim institucijama, kako na nacionalnom, tako i na međunarodnom nivou,*
- *Organizira okrugle stolove, rasprave i naučne skupove na teme vezane za unapređenje standarda rodne ravnopravnosti na Univerzitetu,*
- *Daje mišljenja o primjeni standarda rodne ravnopravnosti koji su doneseni od strane državnih i međunarodnih tijela i organizacija,*
- *Priprema i dostavlja plan edukacije u oblasti rodne ravnopravnosti, kao i godišnji plan mjera za progresivnu realizaciju rodne ravnopravnosti na Univerzitetu,*
- *Daje mišljenje u vezi sa rodnom dimenzijom u obrazovanju, naučnoistraživačkom i umjetničkoistraživačkom radu na Univerzitetu.*

II. RAD SAVJETA

Jedan od ključnih aspekata rada Savjeta jeste analiza i praćenje rodne strukture unutar Univerziteta, kao i implementacija globalnih standarda kako bi se unaprijedila rodna ravnopravnost u obrazovnom sistemu.

Savjet je u izvještajnom periodu održao 10 sjednica, od čega je šest sjednica održano u prostorijama Rektorata Univerziteta, dok su četiri sjednice održane elektronskim putem.

Sjednice Savjeta su se održavale prema dinamici i u terminima koje utvrđuje Savjet.

Savjet je o pitanjima iz svoje nadležnosti odlučivao većinom glasova od ukupnog broja članica i članova, utvrđujući prijedloge, zaključke, inicijative i mišljenja koja su se dostavljala Senatu Univerziteta i drugim tijelima Univerziteta, na dalje postupanje.

III. REALIZACIJA SJEDNICA SAVJETA

U nastavku dajemo pregled održanih sjednica Savjeta:

1. (konstituirajuća) sjednica Savjeta održana 15. 11. 2023. godine

- **Prijedlog Poslovnika o radu Savjeta:** Usvojen je Poslovnik o radu Savjeta, kojim su se definirale interne procedure i dinamika rada Savjeta.
- **Izrada Akcionog plana za rodnu ravnopravnost:** Počeo je rad na novom Akcionom planu za rodnu ravnopravnost (GAP UNSA) za period 2024-2026, s ciljem preciziranja konkretnih aktivnosti i rokovima za implementaciju istih.
- **Rodna dimenzija u obrazovanju i istraživačkom radu:** Razmatrane su inicijative za integraciju rodne dimenzije u obrazovni i naučnoistraživački rad na Univerzitetu.

2. sjednica Savjeta održana elektronskim putem 08. 12. 2023. godine

- **Akcioni plan za rodnu ravnopravnost (GAP UNSA) 2024-2026:** Utvrđena je radna verzija teksta Akcionog plana za rodnu ravnopravnost i upućena Senatu na dalje postupanje.

3. sjednica Savjeta održana elektronskim putem 24. 01. 2024. godine

- **Komentari na Nacrt Akcionog plana:** Razmotreni su komentari i prijedlozi članica Univerziteta na Nacrt Akcionog plana, koji su ugrađeni u konačnu verziju dokumenta.

4. sjednica Savjeta održana 02. 02. 2024. godine

- **Plan aktivnosti Savjeta:** Razrađeni su konkretni planovi aktivnosti za prvi kvartal 2024. godine, uključujući izradu smjernica za uključivanje rodne dimenzije u istraživanje.

- **Interna analiza spolne strukture zaposlenika/ica:** Analizirana je spolna struktura zaposlenika/ica na programima mobilnosti, s ciljem identifikacije mogućeg rodnog disbalansa.

5. sjednica Savjeta održana 15. 05. 2024. godine

- **Obrazac za mišljenje Savjeta:** Usvojen je obrazac za davanje mišljenja o urođnjavanju istraživanja/projekata na Univerzitetu.
- **Interna analiza spolne strukture:** Detaljno je razmotrena spolna struktura zaposlenika/ica na Univerzitetu u kontekstu mobilnosti i obrazovnih programa.

6. sjednica Savjeta održana 11. 09. 2024. godine

- **Smjernice za rodnu dimenziju u istraživanjima:** Predložene su smjernice za uključivanje rodne dimenzije u istraživanja.
- **Javne konsultacije na Prednacrt Strategije za razvoj nauke u Kantonu Sarajevu (2025-2028.):** Savjet je razmatrao mogućnost uključivanja svojih komentara u javne konsultacije vezane za ponuđeni dokument.

7. sjednica Savjeta održana 15. 10. 2024. godine

- **Kampanja „16 dana aktivizma“:** Savjet je razmatrao moguće aktivnosti Univerziteta u okviru kampanje protiv rodno zasnovanog nasilja.
- **Prikupljeni podaci za GAP UNSA:** Savjet je analizirao prikupljene podatke u okviru Akcionog plana za 2024-2026. godinu.
- Na Univerzitetu u Sarajevu je 3. oktobra 2024. godine uspješno realiziran sastanak sa savjetnicama i savjetnicama za prevenciju seksualnog i rodno zasnovanog uznemiravanja imenovanih na članicama Univerziteta. Centralni događaj ovog sastanka bilo je predavanje prof. dr Jasminke Gradašćević Sijerčić na temu *Procesno-pravni aspekti zaštite u svjetlu diskriminacijskog ponašanja*. Pored toga, na sastanku je prof.

dr Amila Ždralović predstavila aktivnosti Savjeta, dok je prof. dr Zilka Spahić Šiljak predstavila aktivnosti i resurse Univerzitetskog gender resursnog centra – UNIGeRC. O primjerima dobre prakse na Veterinarskom fakultetu govorila je prof. dr Dženita Hadžijunuzović-Alagić.

- U sklopu implementacije Gender akcionog plana Univerziteta u Sarajevu, UNIGeRC (Univerzitetski gender resursni centar), Savjet za rodnu ravnopravnost Univerziteta u Sarajevu i TPO Fondacija organizirali su 9. decembra 2024. godine online edukaciju koja se bavila temama rodno zasnovanog nasilja i prisilne kontrole. Cilj edukacije je bilo podizanje svijesti i jačanje kompetencija savjetnica i savjetnika na članicama Univerziteta, kroz bolje razumijevanje rodno zasnovanog nasilja, s posebnim fokusom na koncept prisilne kontrole kao oblika nasilja. Predavačica na edukaciji je bila Lana Bobić, stručnjakinja iz Zagreba s bogatim iskustvom u području rodne ravnopravnosti i borbe protiv nasilja.

8. sjednica Savjeta održana elektronskim putem 13. 03. 2025. godine

- **Očitovanje Savjeta na Nacrt Smjernica:** Razmatrane su primjedbe na Nacrt Smjernica za prevenciju seksualnog i rodno zasnovanog uznemiravanja na Veterinarskom fakultetu.
- **Inicijativa za dodjelu zahvalnice TPO Fondaciji:** Usvojena je inicijativa za dodjelu zahvalnice TPO Fondaciji za njihov izuzetan doprinos u izgradnji rodno odgovornog i inkluzivnijeg Univerziteta.

9. sjednica Savjeta održana 09. 07. 2025. godine

- **Analiza prikupljenih podataka:** Razmotreni su rezultati prikupljenih podataka u sklopu Akcionog plana, kako bi se ocijenila uspješnost implementacije postojećih mjera.
- **Plan aktivnosti Savjeta za period septembar - decembar 2025. godine:** Definirane su ključne aktivnosti i ciljevi za naredni period, uključujući inicijative za jačanje rodne ravnopravnosti na Univerzitetu.

IV. REZIME

Aktivnosti Savjeta za rodnu ravnopravnost Univerziteta u Sarajevu¹ čine temeljnu poveznicu u procesu institucionalnog jačanja rodne ravnopravnosti, s ciljem osnaživanja akademske zajednice koja se temelji na principima jednakopravnosti, poštovanja ljudskih prava i društvene odgovornosti.

PREDSJEDNICA

Prof. dr. Amila Ždralović

¹ Aktivnosti Savjeta za rodnu ravnopravnost dostupne su i putem internet stranice: <https://www.unsa.ba/o-univerzitetu/kvalitet-na-uns/savjet-za-rodnu-ravnopravnost-uns>